

經部

欽定四庫全

四書管窺卷五

經部

詳校官給事中臣丁雲錦

刑部即中臣許兆椿覆勘 腾錄監生 日汪名 達檢教官編修 日班庄 卷

文巴口目 上十 THE PERSON OF THE PERSON OF AND THE PROPERTY OF THE PARTY O THE PERSON NAMED IN 四書管窺 **基土者之事孟子當時只為** 當時大併小强併弱封 政第一是封建云云或 史伯璿

金分四月分書 諸侯言之所以不及此 此為近之但欠發明耳益井田封建均之為王者事 耳若目下併與井田一齊告之則九服之內方為七 封建則必矣天下定于一之後乃可得而班爵分上 封建井田至戰國時其制同於廢壞謂封建其迹尚 但井田雖一國亦可行封建非兼制天下不可樂五 子惟以并田學校告時君者是先其所可行者也若 存故不言非也曰封建王者事為諸侯言所以不及 老五 大三日日 上 孫愛其祖考之甚者亦不得廢公義而改之也 饒氏 改也集註此暗属虐旨惡盜也茍得其實則雖孝子慈 規却方圓之至章名之曰此属雖孝子慈孫百世不能 宣告人之序哉 田學校之可行者皆一切視為迂濶而莫之肯信矣 梁雖地大民衆亦不過僅足為郊畿而已國內亦無 雄所分據王政始行孰肯斂手聽一國室制分割齊 可以分封也既未可行而先告之則時君將併與井 四書管窥

美盜 謂改是要改其惡古人諡法最公後世亡國之君亦得 說為是觀其下文古人諡法最公以下三句其意益 不能改正是不能改其惡名耳况集註所謂不得廢 公義而改之者正謂惡諡既得其實即是公義所在 公義則不可廢故孝子慈孫爱祖考之情不得遂是 如何是改其惡經之上文有名之曰三字則下 不能改也饒氏要改其惡四字正是不以集註之

次已习巨小方 欲追改其惡則無及其集成與通引其說皆作改其 謂古人諡法最公則諡不可改所以子孫爱其祖考 胡輔之說自任則此處諡字是其所增無疑兼之又 如此改之耶益發明於凡例中當以暴節潤色三陳 惡惟發明引饒說以為改其惡諡豈亦知其不通故 於皆得美諡之下亦添公義廢矣四字與諸本不同 之舊矣不可不改 又可見矣輯釋依發明所改而引之要之皆非輯講 四書管窥

云四體依舊在只是我不得有其身非無了此物他依 金岁正屋有事 為政不難章集註得罪謂身不正而取怨怒也 舊在只是不是我箇了 謂云云孔子墮三都便得罪於三家了云云豈可只要 三代之得天下章不保四體 四體依舊在只是我不得有其身此句不可晚縱在 但為他人所有之比也 亦不過一枯骸耳非如四海宗廟社稷之真依舊在而 卷五 饒氏謂四海依舊在云 饒氏

通謂三代以前上有德教下無巨室此曰得罪於巨室 不得罪於巨室孟子之言亦是一說耳 借而我治之却是巨室得罪於我至於我治之不得 罪是惡逆悖理之名不是哪人私意之謂若巨室强 得罪則非所謂罪矣 其宜與當治而不治此則我之罪也豈可謂才治之 謂孟子此說之外他無所謂得罪之說若以治之為 便是得罪於彼耶雙峰謂孟子之言亦是一說耳思

次定四事全書

四書管題

者為戰國時言也 金与口人 以理言小大强弱以勢言 小德役大德章斯二者天也集註天者理勢之當然也 家也耶 饒氏謂集註將理勢二字來說小德大德小賢大賢 子曰到那時不得不然亦是理當如此然則小德大 按語録問天下無道小役大弱役强亦曰天何也未 集註以巨室為世臣大家三代以前何當無世臣大 11 輯釋亦引比說 卷五 輯釋亦引之

次定四車公告 國 齊景公曰 德小賢大賢固以理言有是理則有是勢小大强弱 問云云然以自强於政治期於有以自立如獯鬻 强弱二者皆理勢之當然也斯言盡之矣 固以勢言有是勢必有是理益若專言勢則不得謂 按畏天者須如太王句踐方可以當之觀於彼章或 之天矣輔氏謂有道則以德為大小無道則以力為 輯釋亦引之 發明採汪氏齊景畏天者也畏天者保其 四書管窥

逸使景公能盡此八字則命自我作雖復桓公九合 吳之方强太王句践外早躬以事之內則治其國家 惟敵人之畏而終不能自强是無恥而尚安也又 取於智哉詳此則景公之異言横涕正是或問所 不能自强無恥尚安者爾畏天者制節謹度不敢 和其人民終馬或與王業或刷其恥此智之明也使 臣之業可也何惟於已何畏於吳而出涕女之 則景公非畏天者特畏吳者耳汪氏以畏天許之 謂 何 那

生りせ

The Latest

卷五

次定四車至馬 居下位不獲上章 下位起若孔子告京公則未必說居下位及取友等事 下恐只是子思之言子思向來只為學者說所以說居 過矣 豈不知家語之不足言而引之耶又豈自無所見而 但據家語以為說乎雙峰力武家語之不足信遂分 朱子以家語為證且有見於此章終十二章之意被 通與輯釋亦引此說 饒氏謂中庸自天下之達道五以 四書管窺

金シロノノ 發直至章末方露出一誠字今日自哀公問政章以 道達德九經處方再言所以行之者一猶是引而 自為一章則知天以上何當指出誠之一字直至達 至該無息章皆論誠殊不思既以不可不知天以 天下之達道五以下自為一章且謂東公問政章至 六節之分既不審矣而又取此說於此可謂誤矣其 後暗言誠則其說自有所不通矣通者於中庸 曰告君未必説居下位及取友等事似矣但章首言 不

集註比章見思誠為修身之本而明善又為思誠之本 たこうる 个思誠恐非 本文之意益明善便是思誠 通謂余 此則珉中玉表阿順逢迎者皆得以售其好矣何由 為政在人取人以身為人君者若不知士之實行 饒氏謂集註明善又為思誠之本似明善之外又有 得人以為政乎然則比雖學者之事為人上而以取 不可之有 人為職者亦所當知也雖夫子告哀公而及此亦何 /. Lin 四書管宛

先也 觀集註無可疑者所謂思誠為修身之本是修身以知 多烷四库全書 行為先明善又為思誠之本是知行之中又當以知為 遂以思誠與之同義恐不得孟子本意愚往年因雙 甚以自信近因温理四書再考集註語録之意乃疑 峰比説亦以已意辨之後來四書通板行正與好合 思誠與誠之者立言既異則誠之者固兼知行而言 中庸以誠之者對誠者言孟子以思誠者對誠者言 輯釋亦引此說

火足习事全等 省察也雖有不存馬者寡矣此之謂思誠此意又與 集註引謝氏之言曰未至於從容中道無時而不自 思誠上面更有工夫在此言正是答學者思誠莫須 前辯之未當豈雙峰所疑却是孟子朱子本意耶謹 明善否之問似與集註語脈相類又按論語九思章 格物致知思誠是母自欺謹獨明善固所以思誠而 按語録有曰明善自是明善思誠自是思誠明善是 録思誠是母自欺謹獨之言相合置朱子直以思 四書管窺

集註游氏之説 未之有也至誠即誠身到極處動即順親信友得君得 其效見則皆見不假言次序此章之末至誠而不動者 金グロスノー 為先則修身又在知行之後是知行之後更有修身 益修身即事行之事先則對後而言曰修身以知行 誠為省察之事故如此說耶通所謂知行之中又當 之工夫耶殊不可晓當更詳之 知為先者似矣所謂修身以知行為先者則未順 豯 明四者孟子言本有次序今總説 卷丘

たこりを こよう 頻 求為季氏字章連諸侯集註連結諸侯如蘇秦張儀之 國之利也孟子嘗言交鄰國之道則合從未必不然但 民是也可不必言次也 衛事秦不可為國故孟子定連諸侯者之罪集註併 循序者寓亦所當知也 其序孟子自末而本游氏自本而末於總說之中有 發明此說是矣但孟子是逆推其序游氏亦暗順言 考證按戰國游士合從連衛司馬公曰合從者六 田島節道

一多佐四库全書 用 及蘇秦爾豈以蘇秦初亦說秦惠王以連諸侯之策不 而後説六國以從所以舉儀秦立言數 然未必合乎孟子交鄰國之道果如所言則連衛亦 不言利觀其關宋經以利說罷兵之言可見從人所 则 説六國者何往非利謂孟子猶有取馬吾不信也 連猶合也未必以連為連衛合從雖是六國之利 以小事大孟子又何為不取之乎孟子平日絕口 以連合本是虚字從衡乃是實事孟子言連諸侯 卷7

17 TH

大臣日事人 樂曾子之事親而守身不及馬然觀曾子養志如此惟 身下只言養親守身亦是養志之大者 此然有曾子之守身則可爾 親之本下文曾子只是事親之准則意謂事親固當如 事熟為大章 叢說事親守身雖對說而守身又為事 以守身為事親之本所以論其理及後實之以事則惟 亦在連諸侯之列服刑尚何疑乎 若孟子交鄰國之道則無往而非仁義矣從人軌轍 四書管窺 通此章上並言事親守 發明此章前

金少せると 盡守身事親之道故舉其養志之事者最為得其旨 能謹守此身以承 親志不言可知矣南軒謂曾子能 輯釋亦引發明之說 身而能事其親者吾未之聞也四句上是上節言事 竊意此章專為事親而言上節雖以事親守身對言 親者當以守身為本也下節引曾子養親一事是言 正意只在不失其身而能事其親者吾聞之矣失其 一毫佛親之志欲人子不失其身尤父志之大者其

次已日華小馬 通又謂此章首以事親與守身對說末獨舉曾子之事 者可也但言事親不言守身可見此童專為事親而 説又說事親固當如此然有曾子之守身則可爾者不 本章之旨矣發明與通推言守身亦是養志之大業 為不新但恐時非孟子之意政不必如此推也 乎又於下節曾子養志處皆欲說作守身之意則非 言矣叢說發明好言守身為事親之本似得其后惜 事親者當以養志為要也故又結之曰事親若曾子 四書管窺

親而言者前已言曾子之守故也 金グロスと 意耳然曾子事親之事亦非一端酒肉養志特舉其 事親當以守身為本下節却引曾子事以證事親之 此事可舉也若以前篇曾子守約為曾子之守此則 不知所謂前已言曾子之守此守字何所指也若以 不可强合要亦不足深論也 上節守身之守即為曾子之守則上節不過是泛言 節以示人初非謂此章專為曾子而發曾子只有

たこう 曾子養志集註曾子則能承順父母之志而不忍傷之 一舞詠有老安少懷氣象曾哲有這意曾子便能承順 志何如也 奉當極力管辨務以悅親為事者政不必求曾哲之 雙峰此論固新恐亦求之太深竊意孟子此言不過 如横渠所謂若親之故舊所喜當極力招致賓客之 饒氏謂曾哲不私其口體之奉常有及物之心冠 輯釋亦引饒說 1.4. 四書皆題

動汽四庫全書 樂正子從子教章 饒氏曰樂正是樂官之長子孫遂 自常情觀之失身之罪大於不早見長者集註以為不 樂正子見孟子云云集註王雕孟子所不與言者則其 見長者則其罪又有甚馬故孟子姑以此責之 人可知兵樂正子乃從之行其失身之罪大矣又不早 早見長者之罪又甚於失身辭嚴義正凡從學者當知 以為姓如司馬亦是因官以為姓 樂正司馬哈是以官為氏者非姓也姓與氏不同 卷. 通謂

THE CHAIN 既大而又有甚馬者耳非謂不早見長者之罪又甚 其意益曰失身之罪既大而又不早見長者故其罪 又不早見長者則其罪又有甚馬者兩言又之一字 觀集註於失身則曰其罪大矣於不早見長者則曰 之一字可見集註之意沉於下章又曰此乃正其罪 於失身之罪也故其下文好以此責之之言繼之好 而切責之此所謂姑彼所謂正輕重之意見矣通又 四書管窥

金好四月全書 宗也樂正子才從子敖來便是所依者失其所可親矣 區處孟子所以切賣之 身便是失其親将來王職或引薦之則那時去就愈難 食之貴爾樂正子將作無緊要事看了殊不知才 子之從於子敖章 矣 曰凡從學者當知之則其所主狹陋而非該經之 如何宗而主之此是樂正子不能謹之於始而慮 饒氏謂樂正子依王雕來欲省飯 基五 通謂論語因不失其親亦可 體

釋哈引之 其所終處孟子安得不正其罪而切責之饒說發明輯 大記日華在時 樂正子只從子敖便是失身於小人便是有罪故孟 峰推而言之猶未甚害通又蹈襲而力主之則似乎 将來如此而責之則是目下失身之罪反為緩矣雙 因他人之說又為敷演一番以為已說殊無意味而 目下失身之罪又未足為大者宣孟子之意哉通安 子深責之至於不可宗又是將來事若孟子只應其 四書管窥

金岁四万人 與輯釋哈引饒說 饒氏謂趙氏以意度說自好所以朱子不破其説 不孝有三章集註趙氏曰於禮有不孝者三事云云 事必有所據雙峰乃謂其意度說何耶惟雙峰專以 反失其古皆此類也 意度古人故於史記家語等書朱子所引用者一 按輔氏云比必見於古傳記趙氏時其書尚存故引 之今則不復存矣此說得之况趙氏明説於禮有此三 通

植此 仁之實事親章集註有子以孝悌為為仁之本其意亦 從兄為仁義之實何也益孔門論仁舉體以該用即所 次已日華 山村 謂專言之者也孟子言仁必以義配所謂偏言之者也 集疏蔡説與語録同 専取輔說善矣輯釋刀從通而不從發明何耶 信乎通既引輔說又引饒說可謂主見不定發明則 皆以意度而不之信噫古書尚不足信雙峰又足 語録問有子以孝悌為行仁之本孟子以事親 四書管窥 主

仁義之實集註仁主於愛愛莫大於愛親義主於敬敬 清所張先生當謂余曰朱子於論語當以孝悌為仁 章專以愛言以其理之一也此章分爱敬言以其分 偏言無疑矣豈此處所言猶是未定之説耶意者彼 之本作偏言之仁說矣令又以彼為專言之仁朱子 又以彼章對下章鮮矣仁為偏言專言之分則其為 之殊也今觀發明叢說亦如此分別讀者考馬可也 饒氏謂仁義有以性言者有以德言者

文下の時心は ! 有以道言者此章當作道說集註仁主於愛義主於敬 八字恐非本文之意若曰仁之道主於爱義之道主於 必然也益性也德也道也雖有三者之分然性故性 固無以為道又將何以為德故四書之言仁義雖或 也德即全得此性者也道即循此性而行者也捨性 按雙峰分別性德道所言不同且謂此章當作道說 是矣但曰仁主於爱義主於敬八字非本文意則未 四書管窥

金为正居分書 若不從性上說來則道與德皆無其本矣而可乎如 此章言仁義之實曰仁曰義何當不自性上說來至 以德與道言然未有不本於性者也然則解釋其義 是德是道直至說之實事親從兄是也方見得是說 是本文之意若必欲釋為仁義之道則本文何不曰 者此則所謂道也朱子曰仁主於愛義主於敬却正 曰仁之實事親義之實從兄然後乃見性之發於用 仁道之實義道之實耶以此見得方說仁義未見得

離婁下 舜為天子文王為方伯得行其道於天下也若合符節 たかりゅんかう 首章得志行乎中國若合符節集註得志行乎中國謂 兼理氣言之若擾先於天命處專主理說則便有所 命之謂性性固專指理言然朱子釋天命則未嘗不 偏矣善讀者以類而推則朱饒之是非不難辨矣 下文之實事親從兄是也二句便說不去了便如天 仁義之道若於方説仁義二字便以道字攙説之則 四書管頭

是道 皆得志於中國便如符節兩處來相合一般集註解得 嘗說著道字然日行乎中國行便是道日其揆一 箇揆字在後面說換正是說道 纂疏輔氏曰孟子未 言其同也 志做得行其道說得道字太早得志是得遂其志留得 謂大段不同然得志行乎中國却恰好相似故以若 按孟子上言舜文地之相去既遠世之相後又久可 饒氏謂舜是東夷之人文王是西夷之人 卷五: 一揆亦

我分口月有意

一致定四庫全書 一人 道則行乎中國是行箇甚麼豈雙峰之意但以自東 其東西相合於中國似乎符節兩處來相合然者則 其道可謂不盡乎人言之意矣况集註若不說行其 行乎中國一句起釋雙峰刀謂集註釋得志做得行 説故病集註道字説得太早殊不思集註是提得志 志做得行其道又曰得志是得遂其志皆掉了行字 粗淺而無味矣其曰皆得志於中國又曰集註解得 合符節一句譬其得志行乎中國之同處饒氏必言 四書管窺

箇揆是天與之此揆不是人做得集註言度之而道無 不同又隔一皮了不曾解得其字換度也與權度 其揆一也 但揆義較重 度有二音集註此二度字恐當從入聲令人言自揆 西來中國行為得志耶此尤粗淺而無味者也輔 言揆諸心恐亦如此如雙峰説則度字似當從去音 說甚善非雙峰所及撰字之義後段詳之 饒氏謂其字指舜文而言揆便是符這一

欽定四車全書 孔子對定公之意也而其言有迹不若孔子之渾然也 夫子之言含此三意不露孟子則獨得其末意爾 患君無禮而患不忠一謂君使臣以禮則臣事君以忠 益聖賢之別如此 君視臣如手足章集註潘與嗣曰孟子告齊王之言猶 者各當自盡其道一謂君不患臣不忠而患無禮臣不 非愚所及皆闕之以俟知者 者未知孰是至日換便是符是天與不是人做此則 通謂集註釋對定公之語一謂二 四書管窺

明意亦與通相似輯釋引之 使臣之道乃兼以臣事君者為問意者定公之時 亦未必無以警之孟子而告定公縱不能如夫子之 有不同使孔子而告宣王雖不至如孟子之有迹然 言末意者固是愚竊以為定公宣王為君之事勢亦 按聖賢之別先儒言之詳矣通以孟子獨得夫子所 桓擅命其所以事乎已者不忠甚矣定公此問其意 渾然亦未必無以喻之益定公魯之人君而不專問

たこりらいか 故孟子深言報施之道以救其失而警其心非泛然 有服而難孟子則其平日但知責臣忠己者又可見 必宣王遇臣禮薄有如集註所云者觀其以為舊君 者之事勢不同矣孟子不待其問而自以此告之是 則庶乎其可耳宣王則制命在已與定公命在强臣 以力服又莫可以義責則惟有盡其在我者以先之 子但告以各盡其道而已豈不以擅命之臣既未可 固宜有在觀於論語集疏王氏之言可以意會故夫 四書管窥

義而正在其中 君而言故曰仁曰義又曰正此章為君而言故但曰仁 君仁莫不仁章 到坑四届全書 處見得臣正君意惟上章前有格君心之非之言後 告時君之比也安得盡同於夫子告定公之言乎讀 者詳馬可也 有一正君而國定之語方見主於臣當正君之意爾 竊意上章若只又曰君正莫不正亦與此章無異何 通謂集註引張氏說益謂上篇為正

是自得後功效大要在勿忘勿助集註謂有所持循與 潜心積慮是勿忘以俟夫點識心通與優柔厭飲是勿 君子深造章 助 此章但言仁義而正在其中固是但謂直戒人君故 按勿忘是不可忘其所有事勿即是不可有所作為 不言正則未必然也 以助氣之長令集註欲其有所持循句上有君子務 通謂深造之以道是工夫居安至逢原

大江日前 江上

四書管窺

博學詳說章 勿助亦不相似助則更不說工夫了通惟便以正助 為義襲故如此見此意已於前章辨之此不再述 欲進而不以道亦忘之謂也俟夫點識心通與優柔 精慮優柔厭飲八字是對下文急迫求之而言乃是 無所持循者發若忘則併欲進之意亦忘之矣潜心 於深造而必以道者兩句正是為欲進而不以道則 厭飲亦是論工夫當循循有序無凌節躐等之意與 輔氏口博學詳說則是深造之意也反 卷: 次是四年公島 子意主於行者為尤重也程子則專主於知故在圈外 與行互相發也 叢説謂上章主於行而知在其中孟 說約則是自得之意也但上軍以行言此軍以知言知 章以知言是矣謂上章以行言則亦未盡當以叢説 是造道之方法如博學審問慎思明辨篤行之次序 按上章以道之道集註以為進為之法語録又曰道 承其意專以知言之以見知之亦當如此爾輔說此 即是造道之方法然則上章固無知行而言此章則 四書管窺

禹惡古酒章文王視民如傷望道而未之見集註民已 治 安矣而視之猶若有傷道已至矣而望之猶若未見 饒氏謂平日視民便如我著刀傷相似望道或以為望 雙峰如傷之說雖若深切但於文王民已治矣之意 之言為斷 說不去此意正如傷居爾體痛在朕躬之言相類若 說民有未安視之如我著刀傷却有意思民已安矣

君子之澤章予私淑諸人也集註私猶竊也淑善也云 交色日白 仙台 私竊以善其身解諸人字不順不若云私竊其善於人 云故我得聞孔子之道於人而私竊以善其身 文意方順 峰本要說得深切而及無意味不若集註之自然也 我何故自若刀傷如爾體無傷則朕躬何故自痛雙 以望道為望治語錄或問辨之詳矣當考 按集註得聞孔子之道於人而私竊以善其身二句 四書管窺 Ī 發明

毎分で月月 追 天下言性章集註曰程子曰此章專為智而發 道於人一句耶抑病其解得句法顛倒耶但發明所 發明謂其解諸人字不順宣不思其上有聞孔子之 字取其易晓爾況曰以善其身方見所以用其善處 謂私竊其善於人而不見所以用其善處信乎造語 之難如此 章本是說性不是說智若把做智說則首尾不類 解私淑諸人四字之意是先解諸人字却解私淑 輯講

欠足り巨人 說與朱子之意稍異亦宜知之 之說得饒氏此說以讀此章意豁然矣此章專言性極 又何必兼首尾説 初說性中間又說智後又說故若曰說智則中間足矣 智亦性之一端而以鑿見惡鑿正與利相反豈性 端先説故者以利為本以見發見自然者為性之正 按比章專為智發而先說性者益性是統體智是 輯釋備載饒説而不引發明此語但自謂令按饒 發明每讀比章不能無疑於程氏 四書管窺

金だせったろう 言智之有獨如此者不得為自然之勢末又推極其 為然故先說性之自然發見者以明其理之所同乃 之言無以加矣益本欲言穿鑿之非大智患人不以 文又以坐致為說以深明自然之是穿鑿之非程子 則中間足矣殊不思前既不明其理之所同末又 推其效之所極則小智之人何以自知穿鑿為非理 正也哉若大智則自無穿鑿而皆出於自然矣故下 不必穿鑿自可以得其理者以曉之雙峰謂若說智 卷五

欠三日声 二十 存心言以是存於心而不忘也 君子所以異於人章以仁存心以禮存心集註以仁禮 言程朱豈不能言其為說性耶是固未易以淺近知 之正但因其故而求之可以得其理哉雙峰能以性 峰之說以為亦宜知之則雖有見而不甚明存之祇 輯釋不引發明之說固不為無見矣然猶不忍棄雙 也發明信雙峰深於信朱子其言正不足為輕重也 以惠人而已何補於經註之首哉 四書管頭 饒氏謂孟子只言以 Ī

與本文不同孟子之意是把仁禮來存我箇心我之所 居我簡心安頓在禮上即是立天下之正位 主在於仁禮上我箇心安頓在仁上即是居天下之廣 仁存心以禮存心集註乃云以是存於心添箇於字便 郛郭心能盡性性不知檢心仁禮如何存得我箇心 雙峰比說不可晓其以居廣居立正位為說亦說以 按語録辯比已詳如雙峰説則兩以字兩存字旨下 不順必須變其語句方得益仁禮是性心是性之 卷五

發明引饒氏之說曰以是存於心添於字便可見孟子 意是只把仁義來存於我心比心常在仁禮上無項刻 明同 以仁禮存於心我之心安頓在仁上即是居天下之 居安頓在禮上即是立天下之正位 或離君子異於人以其能以仁禮存於心他人便不能 按饒氏又曰以仁存心以禮存心是此心常在仁 字不順謂之附會可也 四書管窺

多クセノ 說本皆是破集註不合添箇於字之意非有所發 居立正位之證則又只是把心存在仁禮上與集註 於集註也發明乃合其二段而一之又刑潤之以求 耳他人便不能以仁禮存心饒氏此一段說與前 合於集註之旨似矣但曰此心常在仁禮上與居 面 一無頃刻之或離君子之所以異於人者以其存 背不可强合譬之二人在此心不相得乃强使之 目 相向若相得者不知其情意氣色終不可掩 卷五 明 段

又何難馬集註言不足與之校也 曲與之周旋何哉愚謂其信朱子不如信饒氏於此 何盆哉觀發明者眷於雙峰如此於不可通者猶委 亦妄人而已矣如此則與禽獸奚擇哉二句說 可見四書中若此類者不一不可不考 如疑難之難亦是與人比校是非之意此承上文此 不患正是接於禽獸又何難馬 如何做校字解饒氏曰患字接箇難字說下文君 問難字不訓校字

次年日年 一

四書管窺

皆起於禽獸其人而以為不足患之所見爾然則 黨錮諸賢與閱寺小人同世至與之校而流毒無窮 甚可畏政恐一朝之患有所不免矣古之人如東漢 是已非彼或以為不足患而與之校則小人之鋒亦 故自無一朝之患不然則妄人所為如禽獸傷人 非難之正訓然難亦校之意也益不校則患無由 則是以其横逆非人所為故不足與之校耳校字雖 無所忌憚若但以為不足患而不見不校之意 客

嚴則惟恐己之為常人 通謂君子待人者恕責己者嚴恕則不校被之為妄人 集註曰聖人亦人耳豈有異於人哉乃是謂堯舜豈異 王使人間夫子童 發明孟子本意因有以異於人乎 問而對之云我何以異於人哉雖竟舜亦與人同耳 註之意深矣張氏亦作患解 發明輯釋引之 已之謂乎通每如此說恕大抵只是寬意耳 恕則推己之名以妄人與禽獸何異而不與校宣推

大巴马里 小山

四書管窺

齊人有一妻一妄章集註章首當有孟子曰字 於人與孟子元文何以異於人哉所指不同矣 王氏曰此與工儲子章合是一章益因儲子有明夫子 舜而不說孟子者見得克舜尚與人同孟子無異於 孟子以與人同耳四字明其何以異於人哉之意故 不同之有 集註就以豈有異於人哉釋與人同耳之意但言克 人不假言矣益同即無異無異乃所以為同何所指 考證

如播間者君子言行如一何必竊視也恐正是一章 之問遂發明良人一段言求富貴利達者則許偽欺人 P. 7. 7 1. 1. 1. 1. 事與意皆不相著恐强合終是費力若以明之一字 王氏不過因二章皆有明字故推出此意耳但二章 文也益孟子別無明字獨此處連有之 論之則間夫子是王欲竊視孟子之高處觀果有異 觀未當有顯者來一句可見此其不可强合一也以 於人乎一句可見間良人是妻欲竊視其夫之短處 四書管苑

多分四月全書 子之問末則曰是之謂父不得而子也答割京之問 全章論之則前章之意已足後章初無發明堯舜與 末則曰吾聞其以堯舜之道要湯未聞以割烹如此 之則一章首尾未當有不相照應者如答父不得而 有過人處否初未當疑孟子有求富貴利達之意而 人同之意此其不可强合二也以孟子一書通例觀 之類不一比章之末以求富貴利達為言與上章即 相關處其不可强合三也況齊王但欲竊視孟子

飲定四車全書 一 首章不若是恝至於我何哉 考證恝無情之貌我竭 萬章上 明高答之之意則謂孝子之心不如此恝然曰我但 父母比意則吾不知益謂何必如此號泣也孟子推 正謂舜往于田竭力以供子職足矣而號泣于是天于 力耕田云云於我何哉此四句即是恝也益長息之意 豈可因一瞷字偶同而强説以合之哉 遽答之如此豈非逆詐億不信非聖賢之氣象也即 四書管窥

慕也此段集註恐於解意有所未察試以此思之非惟 如哉益自謂無罪而不復憂也此所謂恝他若孝子之 心則不若是故下文推舜之為心云云此所以號泣怨 而已矣何哉文意不礙而前後章者照應明白 耕田供為子職而已矣至若父母之不我爱於我何 為無徵好備一説以俟知者 也愈疏亦不孝也之意觀之則考證釋恝字之意不 小弁小人之詩章所謂親之過大而不怨是愈疏

身上事容或有之是以不辨然竟不告舜必告之云云 而娶亦馬知其非無當時孟子但是不辨下章成丘蒙 たにりにない 富貴烏得不喜云云 之問孟子賣之益下章是舜身上事此章說象與瞽瞍 娶妻如之何章 饒氏謂完虞捐陷之事償無則不告 又况烝烝人不格姦是瞽瞍已底豫了瞽瞍見子如此 謂不告而娶之事為無固有補於世教但孟子又當 自言舜不告而娶為無後也雙峰以為不辨猶可使 四書管窺

金いせたろう 殺子之惡也史記不得其意集註引之為證似未當 出字相對如捐館之捐謂下皆去也完廪己下去沒井 捐階集註捐去也階梯也引史記為證 巴出去而瞽瞍焚之掩之益舜隨即捐出不使父母有 **哈是朱子或問之所記閱讀者考馬可也愚奚庸贅** 果無其事孟子豈肯自然之乎饒氏此段議論大抵 全不足信也考證自備一説足矣豈可遂廢史記之 記因先秦古書而成其言必有所本恐未可以為 考證捐陷與

桃應之問亦然 時俗流傳之記孟子不區區辨其事之有無也後篇答 考證帝之妻舜則克語烝人之後二象曰云云旨戰國 傳信哉 事皆不足為高亦無足辨者 是求多於集註也考證又於子產事下極論其無此 質集註豈不能如此辨耶考證發明必欲言無此事 按桃應分明是設辭此章所言有無未可必疑事母 發明意亦如此輯釋引之 I and the sel

欽定四庫全書 是所謂父不得而子者而非如成丘蒙之說也 通 此而言瞽瞍不能以不善及其子而反見化於其子則 語云盛德之士章是之謂父不得而子也集註孟子引 得以不善及其子也 如成丘蒙之説則所謂父不得而子者以位言者殊 之威德處瞽瞍允若則反見化於其子盛德之中而不 知古語云盛德之士本自專以德言祇載齊栗此事舜 稱意成立蒙所問自盛德之士至发发乎皆是古語 輯釋亦引通說

ラスこうこう しょう 成丘蒙語云此語二語字而言也是之謂父不得而 古語自舜南面以下又是成丘蒙自釋古語之辭未 指孟子所言之古如此耳如通說則似惟前三句是 是哉集註則是所謂父不得而子者是之一字亦但 子一句孟子特借其言而反釋之猶夫子之求之與 此非君子之言齊東野人之語此言字語字皆是應 故既述其語又自白不識此語誠然乎哉孟子答以 伊尹以堯舜之道要湯之意云爾初豈以其言本如 四書音節

萬章下 一分戶匹庫全書 言之故道不得行亦不言風司馬遷講業齊魯觀夫 先生之風為證且謂孔子如太極元氣之造風不足 志之說又引論語集註開其風則來范公嚴光祠堂記 其道夷恵不得施其志故有此論似不必然亦偶然耳 首章夷惠言風伊尹不言風 發明以為不可謂之偶然力主得行其道不得施其 知然否好存之以俟知者 語録或者以伊尹得行

致定四車全書 亦引其説 之遺風特於齊魯觀之所指有限故亦以風言 道者邪集註聞其風則來此正為荅問政而言乃强 愚謂但當以語録為正若謂道行則不言風然則書 朱子豈不能自引之而煩發明為之引耶太史公范 其附會尤為無理且集註朱子所著語録朱子所言 說以為遠人未被其澤即是道不行於當時之證此 言時乃風詩載十五國風風之所被亦皆不得行其 四書管窺

聖之清和任時 地言與大而化之之聖不同只是清和任到處故謂之 聖孔子則是大而化之之聖 文正之言皆是文人一時之筆何當有意如此分別 為牽强皆無足辨者 引以為證店未的當而所論夫子之事救首救尾尤 之聖如答公孫丑則以伯夷伊尹孔子為皆古聖人 以孟子平日議論推之何當以三子為非大而化之 載說此章聖字言夷惠伊尹處是以

沙定四事全書 一一 矣 與大而化之之聖不同處更以此章集註推之張子 之不同然謂之聖則皆不可謂之非大而化之之聖 以言化非化不足以言聖三子之於孔子雖有偏全 而已不思不勉不謂之化不可也非不思不勉不足 謂聖者不思不勉而至馬者也竊謂化即不思不 曰勉而清者非聖人之清勉而和者非聖人之和所 也論夷惠為百世師則以聖人發之凡此何以見其 四書管窺 直 勉

金グロをといっ 意者王制孟子皆以田言周禮則以地言且如乃命 班爵禄章集註此章之說與周禮王制不同 孟子與王制無大異但周禮所言五等封疆大相懸絕 公俾侯于東錫之山川土田附庸則是田方百里而山 附庸則方五百里也云云 恐 計田方百里千乘之車從何而出周禮亦是未成 成於漢儒之手皆不能無差部處出車計乘皆以 不可如此臆度畢竟孟子言於諸侯毀籍之後王 考證按

之交集註云天子友匹夫不為訟匹夫友天子不為借 此易所謂上下交而其志同也即中庸所謂朋友之交 中庸五達道於君臣父子夫婦長幼不言交獨曰朋友 子友世夫而不為訟以世夫友天子而不為僣 敢問友童集註此言朋友人倫之一所以輔仁故以天 信況周禮諸公之地封疆方五百里魯實侯爵奈何 之書又出於河間女子之口先儒於其所言互有疑 引以為證要不如關疑之為愈也 通謂

大二日本人

四書管窺

李

行字耳然不可考好關之可也 或問引趙氏等三説 金分口尼台書 交際何心軍般受夏至為烈十四字集註謂語意不倫 业 李氏以為此必有斷簡或闕文者近之而愚意其直為 欲擇從其一朱子又以為如趙說則解受二字與上 是君臣不可牽一交字以合於朋友交之說也 通既引中庸君臣不言交朋友言交為證又引易上 下交之説以證朋友之交殊不思易中所謂上下正 基五

集註此章文義多不可晓不必强為之說 たこりらい たよう 文亦不相似考證據其亡父相陽散翁之説以趙説亦 初問交際解受孟子亦告以受而萬章因以受禦為喻 自可通云云 趙說既為或問集註之所不取桐陽散翁乃以為亦 鑿說以眩學者 能之而有待於散翁耶考證正不當阿其所好存此 自可通何哉夫解經但求可通不顧牽强朱子豈不 四書管窺 考證此章 文

我好四月在書 問答一 首章集註告子言人性本無仁義必待矯揉而後成 因告以辭萬章因受樂之非而識君子受諸侯之魏孟 告子上 而孟子又明簿正祭器之禮因及孔子之仕有三其問 又辯受禦之説因以獵較為喻萬童遂問獵較之非 按集註所謂不可晓是殷受夏至為烈十四字與獵 較簿正祭器之類與考證所謂難看不同 節生一節所難看 卷五

飲定四車全書 ! 荀子性惡之說也 輯講告子謂人性不可以為仁義 是战賊犯抑之性以為括機 孟子觀之則是順把柳之性以為括楼自告子觀之則 是木之曲直順犯柳之性以為栝楼何當害於祀柳自 去便是自然不是橋操譬如把柳之可為格樣者單竟 矯揉之則可以為仁義猶把柳本不可以為括機然不 知性者人所禀之天理這天理即是仁義是順比性 按雙峰此說自起首至便是自然不是矯揉一 四書管窥 段皆

直蔡傳曰曲而又直也朱子曰謂生而有曲有直盖 性為栝楼者是本顏師古説竊恐未然洪範木曰曲 故曰战賊雙峰謂順把柳之性以為括捲何當害於 代矯揉為曲直裁斬伐矯揉則把柳不得遂其生矣 謂本之生也枝幹自然有曲有直何當以為可以斬 是自譬猶把柳以後皆失之其以曲直為順把柳之 無害於把柳可乎至謂自孟子觀之自告子觀之之 柳此只是解曲直之義不同所致斬伐矯揉謂之

考證黃文肅謂告子諸問孟子但折之無言而欠於斷 於包里華 一 語金氏就其杞柳而斷之曰祀柳柔韌有可為栝樣之 意尤為可疑孟子子能順把抑之性與將戕賊犯抑 將戕賊之而後可初豈謂孟子能順其性而告子不 謂孟子之見如此殆不其然 能耶至下文如將戕賊把抑而為栝樣方是說出告 子本意益告子才以把柳括捲為喻便差失了雙峰 二句乃是反詰告子正是明其不能順把柳之性必 四書管窥 克

金は中人人 之為仁義不必深闢其矯揉之失益人為氣禀所拘者 性故揉之可為柘栳人心本善有為仁義之性故可充 性猶湍水章集註告子因前説而小變之近於揚子善 謂不資矯揉不可也 考證是竊饒氏意而脫胎換骨以為已說者也愚已 不亦異乎 到氣質上矯揉二字如何著得金氏乃欲代大匠斷 辨鏡説則不必辨此矣但孟子只說本然之性未說

性之固有隨人所習而生如犯柳本來不是格機矯揉 惡混之說 而後為栝楼如水本無分於東西決之而後有東西 性未為仁義之前未是善之意可知以人性為仁義 猶曰以本來未善物事為善物事相似故集註以為 如集註之說則犯抑滿水之喻不無異矣而雙峰以 此章以性對善不善而言則曰無分仁義是善則人 為只一般竊意告子前章以性對仁義而言則曰為 輯講為水紀柳只一般告子之意謂善惡皆

炎定四年合

四書管窺

楼比仁義以東西比善不善則仁義只是善可見雙 善亦未有所謂不善善與不善直待既有所作為之 之固有則告子前童若曰善為性所固有則又何必 峰不提起仁義善不善之言但以格楊東西對言其 後乃分耳故集註以為近於善惡混之說告子以格 如性惡之說善不善雖人性皆可為然方其未為善 不善之性前却是箇備何無分別物事既未有所謂 般可謂不盡乎人言之意矣且雙峰謂善惡皆性

金グロルノ

為仁義禮智之端而此不言端者彼欲其擴充之此直 性無善無不善章惻隱之心云云集註前篇言是四者 AL AND HOLL PUBLIC | 皆有所未合益有意於立異非誤也讀者詳之 善矣告子後章若曰善惡皆為性所固有則又何為 本無善不善矣雙峰此說却正得揚子善惡混之正 意而於集註前章如性惡之言此章近於二字之首 以無分於善不善言之無分二字可見告子以性之 以為仁義言哉為之一字可見告子以性之本不是 四書管窺

金分でたる言 外與內而言故不必言端 讓為禮之端解讓皆以發於外者言此曰恭敬則無以 因用以著其本體故言有不同耳 端而恭敬不可以言端哉然則此章不言端者不過 如通説則仁義智三者皆以禮故不得言端耶假如 之發於情者辭讓恭敬均之為情耳何獨辭讓可以言 所言則孟子何為不但言辭讓耶殊不思端只是性 如集註之說而已但通者分外與內為說豈非因集 赵五 輯釋亦引通說 通日云云前以 辭

大巴马草在雪 恭敬之心 端緒見於外之外是指情之發動有可見者言此童 前章如有物在中之中是指性之本體不可見者言 註前章猶有物在中而端緒見於外與此章恭者敬 說但以見於容存於心為外與內之分耳對性而言 之發於外敬者恭之主於中之言而推之鄉殊不思 則皆用也讀者宜自考馬 發於外之外主於中之中皆是指情之發動處 考證前篇云解讓不若此篇云恭敬之備 四書管魔 四十

金好吃人人 發又恭之一字已該辭讓二字 且如見一人來便肅然恭敬及其交際然後解讓之端 牛山之木章操則存舍則亡出入無時莫知其鄉集註 竊意前章欲其擴充故言辭讓解讓較之恭敬為向 裏也向外則於擴充為較易近裏則於體認為較切 外也此章主於體認故言恭敬恭敬較之解讓為近 不然孟子豈不能兩章皆以恭敬言之而容其一 不備 耶 灰丘

九日可臣 八十 意盖心者性與知覺之合 集註云神明不測似又專說向知覺上去恐非孟子 之心哉則後面所引心之出入亦只指仁義之心而言 孟子引之以明心之神明不測得失之易而保守之難 不可項刻失其養 於性命之正而所以為知覺者不同云云詳味此意 有人心道心之異者則以其或生於形氣之私或原 按朱子中庸序曰心之虚靈知覺一而已矣而以為 輯講孟子說存乎人者豈無仁義 四書管窺

覺之心而言如曰心者性與知覺之合固是但其承 從物欲上去者即為人心即為私心耳非知覺專主 為道心即為仁義之心耳知覺生於形氣之私知覺 知覺但知覺原於性命之正知覺從義理上來者即 則仁義之心固未當無知覺也益心只是共此一箇 為知覺為人心者殊不思知覺豈人心之所得專哉 於形氣而無預於仁義也雙峰每以仁義之心對知 上意來則似以仁義之心為性為道心知覺之心自

金好四月子言

たいりるという 當之這知覺亦不可岐而二之只因放去收回便有 當之則是人心道心之外又有一箇知覺之心反成 是元初一箇知覺故朱子纔說心之神明便欲人之 若曰知覺果人心之所得專則仁義之心反頑然無 不可失其養得其養則便是道心為主了又何可疑 三心耶恐怕未安竊意心只有一箇心拾知覺無以 人心道心之辨及至道心為主而人心聽命則又只 知覺耶若曰人心又自人心雙峰不以知覺之心 四書管質 (B+13)

曾謂仁義亦有逐物者乎以此見朱子神明不測四 若如雙峰說知覺自為知覺之心此則決然可疑者 指心之體用而言其周流變化神明不測之妙心 字與仁義之心既無所背於存亡出入之古又無不 指仁義而言則方其亡而出時便是此心逐物去了 也況此章有存亡出入四字若謂孟子非指知覺只 通雙峰不必致疑可也載觀語録有曰孔子正是直 也操而存則義理明而謂之道心含而亡則物欲肆

金云四月全書

魚我所欲章章末集註此章言羞惡之心人所固有或 能決生死於危迫之際而不免計豐約於宴安之時是 欠足日日 二十 截反覆發明含生取義是說人當託孙奇命之大節 以君子不可頃刻而不省察於斯馬 發明此章前 大學正心章所辨與此相發知道者宜必有以正之 者玩此而有得馬則雙峰所疑不待辨而自明矣愚 而收回便是道心自道心而放出便是人心云云讀 而謂之人心亡不是無只是走作逐物去了自人心 四書管窺 四土

危迫非謂含生就義者之倉皇失措也不受非禮之食 能從容就義如張巡顏真卿之徒所謂危迫乃事勢之 義處論之古之君子當舍生取義時非徒慷慨殺身實 意集註謂或能決死生於危迫之際亦併前一截舍生取 事中間食奠不受是説一飲食之小節時事然其能決 此以證人皆有羞惡之心以實上文人能含生取義之 死以全義則無分於大小也不食非禮之食益是指 死如齊餓者不受嗟來之食之類古來真有此等人

金分四屋石書

意何極義理之心多至迷溺故或不免至於計較豐約 於宴安之時者益危迫之際物欲不前義理之心感發 · 使定四事全書 有不可遏故往往能決死生若宴安之時物欲易行私 然謂其能決死生於危迫之際而又謂有不免計豐約 亦勢使然也云云 是及覆發明人皆有羞惡之心之意熟讀可見或能 竊意集註章古此意言羞惡之心人所固有二句是 包括章首至賢者能弗喪耳五節之意益此五節只 輯釋亦引此說 四書管窺 黑

萬鍾則不辨禮義而受之一節之意益孟子正是以 決生死於危迫之際一句是說一單食至乞人弗屑 也一節之意而不免計豐約於宴安之時一句是說 惟泛看了此章言羞惡之心人所固有二句不知甚 母失其本心而已章音所謂是以君子不可頃刻而 不省察於斯馬一句正是指後一節之意而言發明 今為一節正是以二事相形比較使人即此思之以 節相對言之觀下文鄉為今為之言可見益鄉為 甚五 大三日日 · 朱子遂謂所謂危迫乃事勢之危迫非謂含生取義 實能從容就義數語可見其微意矣却又不敢明破 義之意如曰古君子當舍生取義時非徒慷慨殺身 满朱子決生死於危迫之言不可以言前截舍生取 論之可謂誤矣既看朱子意不出於是反隱然有不 朱子能決生死於危迫之際亦併前截舍生取義處 不免計豐約於宴安之時二句該盡一章之古故謂 為包括五節之意遂欲但以能決生死於危迫之際 四書管窺

正是共指此一人而言與經文鄉為今為之言正相 措之意詳其用意皆是又欲為朱子出脱危迫二字 者之倉皇失措也又引齊餓者不受嗟來之食等事 應然則張巡顏真卿於危迫之際雖能決生死如此 而發殊不思果如所言則然能決生死於危迫之際 設或至宴安之時亦不免於計豐約耶朱子之意其 不免計豐約於宴安之時上曰然能下曰而不免 證不受辱蹴而食者為亦能舍生取義非倉皇失

大足可与 註云云蓋能如是則志氣清明義理的著而可以上達 心若把求放心做收攝精神不令昏昧放逸則又只說 仁人心義人路軍學問之道無他求其放心而已矣集 不然則昏昧放逸雖日從事於學亦終不能有所發明 泛濫支離因誤致誤良可為觀書鹵葬便務者述者 之戒因書以自警云 不出此也必矣發明只因看不親切便欲立論遂致 輯講 孟子上面說仁人心也是把這心做義理之 四書管範 された

輯 以求合於集注也 ,饒說又自為說以繼之大縣不出此意 木章所論無異且如放心是馳騖以徇欲於外之謂 雙峰比說益為破集註志氣清明與昏昧放逸數語 講發明之說但旨與饒說元文少異益皆是删潤 知覺上去恐與上面仁人心也不相接了 而發但謂又只說從知覺上去之疑又與前牛山之 不說知覺但說義理則天下豈有謂之義理而 輯釋亦引 發明 既

金少口屋

12 t. 10 in 1. 1. 1. 言耶既曰此下專論求放心則包第三第四節二心 徇欲放逸於外者耶以此見得雖說從知覺上去却 則不違乎仁而義在其中矣何當以心為不指仁而 註謂上或言仁義而此下專論求放心者能求放心 不再述按此章四段所謂心字初馬仁人心之心固 於義理放逸之意两無所妨其詳已於前童見之比 而言亦皆指仁而言無疑第三節有放心不知求集 不待論第二節放其心不知求之心是承人心得失 四書管庭 罕九一

金点四周全書 攻之云云君子存誠克念克敬云云 釣是人也章集註引范氏心箴曰云云一心之微衆欲 乎義理之正然發於義理者甚微而役於形氣者甚象 字而言可知雙峰又何疑乎讀者詳玩語録及愚前 説以附於編使若與集註相發然者而實則不然其 集註之古較然矣發明不能辨其謬妄反又刪潤其 章所引朱子之言知知覺非人心之所得專則此章 誤後學甚矣輯釋尚何尤乎 通謂此言道心本

潤之 也乾九三言誠坤六二言敬云云 克敬念即是思是思誠者人之道思則得之不思則不得 又曰君子存誠即是誠者天之道不待思而得者克念 次七日事をち 一 微與上文是身之微皆不過言人身在天地間此心 道人道乾道坤道之分恐皆求之太深竊意一心之 又在人身之中昏極為微細耳君子存誠克念克敬 以一心之微為道心惟微之意以存誠與念敬為天 四書管窺 輯釋亦引通說而刑

金グロスとこう 而心為大 饒氏謂不須合三者說只說天把這心與我 教我去思便能御衆體此即立其大者 此天之所以與我者集註此三者皆天之所以與我者 引之而去其道心與天道人道之分亦可見 事耳非存誠自存誠念敬自念敬也通說未知果得 范氏意否好記乎此以俟明者之折東馬今觀輯釋 亦不過言存誠故克念克敬克念克敬即存誠之 按孟子上文或言耳目與心之官是無小體大體立

CO PANT 饒氏又謂集註不曾把思做立其大者却謂有以立之 則事無不思如比則又先要做立底工夫又做敬上去 了然此章在思而不在敬箴中敬字是范氏意非孟子 **哈兼論三者不應中間一句獨舉一而遺二也雙峰** 論至此總以此天之所以與我一句結之則此句 豈未之思耶 立乎其大者則其小者弗能奪二句承之上下文既 合三者説可知惟此句是合三者説故下文又以先 四書管窺

金点四月月 意 學者則不可不知也范氏之意又豈有悖於孟子之 雙峰惟以此天之所以與我一句不須合三者說故 意者哉愚按雙峰之說止於此篇觀其於四書中所 順孟子之意釋之耳益非敬則不能思孟子雖不說 之意雖在思不在敬然能思則敬在其中集註亦只 從心便是立其大者立其大者便是事無不思孟子 如此見爾殊不思集註之意不過以為不從耳目 卷五 而

5/ 2.10 .2. A.L. 見不同於朱子者十居其九豈朱子十無一得雙峰 十無一失如是其懸絕耶不過雙峰平日務欲自立 必自謂可以取信於來世不過但得門人一時尊已 其師之私心以求集註之瑕疵以故雙峰之立異雙 門户不肯為朱子下故其門人承其風古往往守逢 過於朱子足矣但其門人率皆無見不能辨別惟有 説處亦千方百計尋一異說以高於朱子其意亦未 峰亦是騎虎之勢不肯默然自謂無説所以雖無可 四書管題 平

一多好四库全書 併與其所為而亡之 仁勝不仁章與於不仁終亦必亡集註與猶助也終亦 不仁之甚者其淪胥以亡也必矣 朱子憤悒而不能自己也是以不顧借妄而時與之 辨白知我罪我未暇顧也惟同志其裁正之 能洞見而盡識然亦有灼然知其不然者未當不為 之室 礙誠可痛也愚每於其似是而非之所在雖不 **翕然尊信輯而録之以傳於後遂為聖經賢傳無窮** 發明採張氏曰云云是則同於

告子下 首章以禮食 とこうきいいり 為同則為仁雖不力又安得便同於不仁而又甚耶 之說與大舜與人為善之與相類甚有意味若訓以 按張氏釋與字亡字之義與集註異集註與猶助也 明兼存而不之辨何哉 恐亦不是滅亡之亡宜集註但以為亡其所為也發 亡字之義猶未説不仁者亡而反説為仁不力者亡 考證如典禮所載進食之禮與飲食之 四書管題 至

金贞四母全書 制其變則如不食嗟來之食者曾子曰其嗟也可去其 謝也可食 中又各自有輕重之別聖賢於此錯綜斟酌毫髮不差 殿害貴也觀於上篇鄉為身死而不受之意可見矣 食不謝則終無可食之理寧死而已不可以小害大 不肯枉尺而直尋亦未當膠柱而調瑟所以斷之 以禮食只當以進食之禮飲食之制為證若嗟來之 末集註此章言義理事物其輕重固有大分然於其

決定四事 全等 枉尺而直尋斟酌者量淺深不差毫髮故未當膠柱而 調瑟 視於理而已 義理指禮而言事物指食色而言以義理對事物言 是錯綜而斟酌之耳未知然否請因此段集註而 之以明其義其曰義理事物其輕重固有大分者益 之則義理重而事物輕此其大分然也曰然於其中 分錯綜與斟酌而釋之如此然乎竊意集註之意只 通謂錯綜者分經緯不差毫髮故不肯 釋

四書管窺

自有輕有重如禮食親迎其輕也於臂瑜墙其重也 差也如既以禮之輕者對食色之重者言又以食色 斟酌毫髮不差者謂以其輕重大分之中各有輕重 害不待論者其輕也飢而死不得妻其重也曰錯綜 又各有輕重之別者謂二者之中重者之為義理又 輕者之為事物亦自有輕有重如尋常食色不關 者交互總挈以斟酌裁度而從其宜不使有毫髮之 之重者對禮之重者言此錯綜之意也以禮輕者對

文記の声 かれの 輕重者之所紊則又無以處之此其失必至於膠柱 亦未當膠柱而調瑟者所以明其不差毫髮之實也 意如此則自無毫髮之差矣曰固不肯枉尺而直尋 重者言則禮無時而不當守此則錯綜而斟酌之之 不然如任人但知食色有重於禮者遂謂禮旨可輕 食色重者言則禮有時而不可拘以食色重者對禮 而昧於輕重之大分則其失必至於枉尺而直尋如 屋廬子但知食色之為輕禮之為重而不免為各有 四書管窺

云其見幾明決而用意忠厚固非衆人所能識矣 先名實者為人童君子之所為衆人固不識也集註云 金灯口屋子電 业 哉然雖如此又豈率意妄作之謂所以斷之亦惟 人所能識也 視夫理之當然者而已管見如此未知視通為敦是 而調瑟二者皆不能錯綜斟酌之過也聖賢豈為之 明智也決勇也忠厚仁也夫子一舉而三德存馬豈

欽定四車全書 幾之明且決者人亦終莫能識至於以為為內以為 忠厚也惟如此是以為女樂去之迹終於不露而見 識惟夫子不欲顯其君相之惡又不欲無罪而尚去 樂之明且決也若於此時而遠去則雖衆人亦豈不 決也矣然而豈難知哉夫子以女樂而有去志此見 識也後世如穆生以體酒不設而去亦可謂見幾明 非見幾明決之難識乃見幾明決而用意忠厚之難 不于女樂去猶俟騰肉不至而後行此其用意之 四書管窺

王制 為夏商之制云云 之地方五百里侯四百里伯三百里子二百里鄭氏以 魯欲使慎子為將軍章周公之封於魯為方百里也令 魯方百里者五 聚人不識者如此而已通謂一舉而三德存故家人 好看然甚不晚事情云云 不識集註正意似不在此 為無禮者并與用意之忠且厚者亦莫之識矣所謂 語録論王制與孟子同而周禮諸公 朱子曰鄭氏只文字上說

愚竊謂萬乘千乘之國分明是一箇萬乘之國當十箇 意孟子平日說話不甚著相只舉大網以見意爾 初 言到孟子說班爵禄處却說方十里方百里漢儒以 千乘之國孟子首章集註亦有每十分而取其一 意而已如此則所謂方百里者五亦只是五倍初封 開方法計之則方千里有方百里者百誠若可疑竊 之時半於千里之國而已觀春秋之魯其地豈不半 未說到開方法上曰千曰百不過亦是十分取一

及定四華 全馬

四書管窺

<u>투</u> 논

分グロ 數恐亦自有不拘開方法者如蘇秦說楚地方六千 於十里之國想孟子當初亦只以方十里之國為方 里又說魏地方千里若以開方法計之則方六千里 其疏通簡易自成一家即此意耳無古人說地之里 百里之國十箇初不計開方法之何如也朱子嘗謂 以意逆之則楚地不過方千里者六當得六箇魏而 敵國安得有許多地又如何當得三十六箇魏若 問當有方千里者三十六楚在判楊之問魏與之

次定四重 公告 今之事君者曰章約與國戰火克 考證前以連諸侯為專指連衛之人不言合從者令 法言之而似過於小其意却正相類學者亦不以開 記於此以俟明者之裁正馬 方法為拘而說之則庶乎可通矣愚也未敢自信姑 又兼從衛之臣為約與國之訓可見自相抵牾 已秦不拘開方法言之而似過於多孟子不拘開方 四書管窥 考證從横攻戰之

包執持之意合孔孟之言觀之不貞不諒不可執也該 君子不亮惡乎執章 不同須看孟子一執字貞者正而固也固字已有該之意已 而可執可知其貞矣 竊意該對貞而言則為信之小者雖信亦未必正故 言則其泰為侈肆論語以之與驕對言則其泰又為 回貞而不該專言亮則但為信而已不信則無所執 曰不該惡乎執亦猶泰之一字大學以之與騙並 通謂此若與君子貞而不諒意

性此曰動心忍性何也曰彼言不動心是處富貴而富 舜葵畎畝章動心忍性 貴不能動其心譬之水動心是沒得源活水滾滾出來 不動心是水之流不為泥沙所溷不為波濤所泊云云 孟子之言又何為而不可哉 不同也沉諒字在論語三言之貞而不該匹夫匹婦 安舒所對不同則不害其為字雖同而義之善惡自 之為該此二者固哈未得為善友該之該則已善矣 通謂孟子當曰不動心曰養

KIND IN LINE

四書管窥

£ .

金灯四月分言 是道明德立則自然當大任而無所疑懼譬之水不 波流所汨正與朱子意背愚請從而改之曰不動心 此段說不動心處似未當朱子當曰公孫丑非謂孟 輯釋亦引此說 有所疑懼而動其心也集註意亦如此益謂不以富 不相當今曰富貴不能動其心不為泥沙所溷不為 貴動心不惟說低了孟子亦與後面知言養氣之意 子以即相富貴動其心謂霸王事大恐孟子擔不過

首章 盡心上 只謂知得盡如大學誠意一 存更無一毫不盡好善便如好好色惡惡便如惡惡 按集註及其餘語錄皆以盡心屬知惟此段語錄如 如所謂盡心力而為之 動心如水之積也極厚故其負大舟也不患於無力) 集疏亦以盡心為誠意 語錄問盡心只是知得盡未說行否曰初問亦 四書管題 般益所謂盡心者言心之 語錄又有一條如此說盡

多好四庫全書 能有如人之事於義亦通 事不如人則事事不如人矣或曰不恥其不如人則何 耶之於人大章不耶不若人何若人有集註但無恥 而言後説則泛言人不可以無恥之意前説痛切後説 想亦未為的當但口初問亦謂知得盡則初問之説 又正是集註之意豈朱子晚年所見如此集註未及 此說盡字殆朱子未定之說數集疏又是祖述此說 耶疑不敢質姑志之於此云 **卷**1 輔氏謂前說指機變之

如後說之明順不費解 較 天之自然乃王者之政以釋與與之義後節引舜耕歴 霸者之民章集註首節引耕田鑿井帝力何有於我如 詳輔說不惟有契於本章集註其義亦通之微旨又 過矣 且無悖於朱子二說兼存則前一 不為無之費解孰若上下文意不相承之費說發明 發明舉輔說而斷之曰前說以不恥為無恥不 ter the fra 輯釋亦引發明之說 説勝之凡例且訓 が土

山田者逃畔陶河濱器不苦窳以證過化之義 舒定匹庫全書 者化以其所存者神猶忠為體恕為用也而此二者又 皆以為此帝者之事集註借之以證王者之政 所遇者化所存者神 觀孟子離婁首章以免舜之道與仁政對言又以 帝事王改之分別異乎吾所聞矣宜輯釋不引之也 二帝三王所以治天下者初無二道何莫非王政耶 仁聞與先王之道對言可見帝王之無二道發明 發明所存主者謂其體也所過 發明

次定四華全書 一 以存神為之主馬 使人化而物自從之化者存神屬心是心有所存主 皆不見二者相為體用之意益過化屬身是無心於 處便神妙不測釋存神之義而以孔子事為證經註 按孟子先言過化後言存神集註以身所經歷處即 存者神則是過化又以存神為體則便有所存主只 矣但其應甚速乃見其神耳今曰所過者化以其所 人無不化釋過化之義而以舜事為證以心所存主 輯釋亦引此說 四書管窺

當屬之心不可以言過化矣以此見得過化自是過 者比也果如發明之分體用則只是存神一事過化 為此二句之證非謂二聖人平生只有此二事也尚 化存神自是存神分明二事不可以忠恕相為體用 却只可以證存神集註亦只以二聖人偶有此事引 不成過化矣或疑如此則舜能過化而不能存神孔 而不能彼但舜此事却只可以證過化孔子此事 能存神而不能過化耶非是之謂也聖人固非能 卷五

金グロイバー

文記司目 二 意之辯矣發明引明道或問此說於編而自為說乃 物比則誠於此而動於彼但其感應之速有不知其 物朱子於或問謂其曰在己者益以化者無意而及 過化之意觸類而長可也明道謂存神在已過化及 風動又是存神之意夫子之至是邦必聞其政又是 所以然者是則所謂神耳詳此則二者不無有意無 何疑乎若就二聖人而推之則舜之從欲以治四方 如此殆亦未之思耶 四書管庭

金万巴尼白章 良知良能章 得時得位者也若伊尹在華野則為天民出佐商則為 謂之天民以其在下而未達故謂之民大人即天民之 有事君人者章 下獨曰知者益以知常在先故也 能益因孩提之童無有不能愛其親敬其兄者乃見 其知耳非先知而後乃能也故集註統而言之 無不知愛親敬兄固是良知無不愛親敬兄即是良 發明輯釋皆引張氏曰上言良知良能 發明引張氏曰能全天生此民之理

かんれついか したす 發明云云客悦以富貴累其心者也安社稷為悦則以 劣可謂主見不定自相抵牾其亦不善於發明也去 天民大人皆以德言而不無高下集註語録辨之詳 矣如張説則是二者只以位而分德固無優为也殊 於編也至於發明後段所自為說者又不免分其優 録獨采張説而不與別白誤人甚矣宜輯釋不引之 不思容悦安社稷二者何當以位分哉發明悉去語 四書始於 1;+9

動け四庫全書 心矣 功名也若大人者則純以道德為重功名不足以動其 功名為重矣若天民者以道德為重然猶未能無意於 故耳以安社稷為悦者為所當為初無所為所以集 清濁不同然利心則一也益以有為而為便是私意 富貴是為利志功名是為名程子所謂為名為利雖 客悦者是矣言安社稷者則近似而有所未盡益志 此是因新氏士有三品之說而數演以配之也其言 輯釋亦引此説

謂前言君子三樂所樂在所性之中君子所樂之所樂 廣土衆民章中天下而立定四海之民君子樂之 故而出哉靳氏士有 三品盖子臣有四等發明强折 况以未能無意於功名與功名不足動其心强配天 而為不足以為忠矣疑似之間毫釐之辨不可不察 註斷以為忠若欲以安社稷為功而得名則是有為 民大人則其不合明甚曾謂伊吕亦為立功得名之 三品以配四等空自費力無補經注之旨也 四套管商 六十五 通

一致定四庫全書 此而其所得乎天者不在此也或曰集注前謂斯道傳 子之所性固不以達而在上有所加也故君子雖樂子 如是則不能行此君子雖樂乎此而其樂自是性外之 大行必中天下而立者能之是道有待於位而後行不 在所性之外何也曰中天下而立達而在上者之事君 傳之者衆萬世之澤也其道大行一時之澤也况其道 之者象而天下後世將無不被其澤此謂其道大行無 一夫不被其澤皆曰道澤而此所性不存何也曰斯道

一 一 一 一 是性中之樂且孟子於三樂則曰王天下不與於中天 之以已之天覺彼之天聖人之心深樂乎此而其樂即 樂若夫盡得一世明春之才而以所樂乎已者教而育 釋亦引此說 下而立則曰所性不存分而言之固自大有間哉 通此一段議論及覆二三百字首尾只用意分别樂 在性中樂在性外而卒不見要領至未乃曰盖子於 三樂則曰王天下不與存於中天下而立則曰所性 四書管爽

過以三樂而王天下不與存至中天下而立正是王 得中天下而立為可樂是以得定四海之民為可樂 自是樂無一夫不被其澤耳亦非以位為樂也非以 故費許多解說耳殊不知三樂而王天下不與者不 不存分而言之固自大有間哉觀此數語則知其不 位為樂則與王天下不與存之意又何異乎蓋非以 以位為樂也至於中天下而立定四海之民則樂者 天下者之事而君子却又樂之被其纏擾分撥不開

之而不及定四海之民之意則是全以位為樂正與 其道大行無一夫不被其澤之言可見此樂與前所 孟子不得不如此說也若但曰中天下而立君子樂 不思此所謂樂却全在定四海之民一句上觀集注 不及定四海之民之意正坐此病所以不得其首殊 天下而立達而在上者之事君子雖樂乎此數語並 王天下不與存之意相悖失孟子之意矣通所謂中 耳然欲定四海之民非中天下而立則無以致之故

次色写事 白馬

四書管窺

主

金、欠口匠人看 嘗不欲其道之大行也胡為先一時之澤性外之樂 淺深則孔盖之汲汲皇皇去齊去魯適齊通深固未 謂得其才教育之樂皆是及物之樂特因窮達而所 窮達而加損三樂又何加於所性之全體乎 及有異非此淺而被深也若如通說以萬世一時為 下惠不以三公易其介章集注此章言柳下惠和而 **必强援前章三樂入此章所性之中耶所性固不以** 而後萬世之澤性內之樂如此哉以此觀之通又何

孟之言皆闡幽意微顯是帶過說 清而有量人皆知柳下惠之和而不知其和而不流孔 開幽之意也 通謂人皆知夷齊之清而不知夷齊之 不流與孔子論夷齊不念舊惡意正相類皆聖賢微顯 た己可能 A. 大丁 !!! 夷齊之清下惠之和人皆知之此便是顯處二章皆 闡此而何通謂微顯是带過說豈其然乎今觀發明 其介人皆莫知此便是幽處此二章特表而出之非 不及之非微顯而何夷齊之不念舊惡下惠之不易 四書管窥 なな

以仲子不義為句與下文含單食豆羹之義相反對謂 仲子不義設岩與之齊國而不受人皆信之然此特義 仲子不義章不義與之齊國而不受 及證孟子本意當 輯釋引發明謂微顯聞幽四字出杜預春秋傅序云云 之小者與舍單食豆羹之義何異惟君臣上下此乃 按易下繁有微顯闡幽四字杜氏特引而用之爾 所言與愚意正合顧見通之未當輯釋乃無存二 說而不與折束何耶

義之大者而彼皆無之此不義之大者也以其小義而 食而弗愛章恭敬而無實君子不可虚拘集註此言當 信其大義奚可哉此斷其為不義之辭也 義耳但以亡親戚君臣上下為不義之大則此不過 者亦不可得而稱矣惟於所與不義而不受乃見其 國為義之小者苗齊國義所當受而不受雖義之小 竊意若不以不義字連下文為句何以見得不受齊 含單食豆羹之小義耳然則點句但當以集註為正

大三日戸から

四書管窥

六十九

時諸侯之待賢者特以幣帛為恭敬而無其實也 然也 之宜文質之中也恭敬雖存而無以實之於外君子亦 明引張氏說恭敬存於中而儀物實於外所以為內外 恭敬字只作一意說 惡夫虚拘也昧乎此不陷於獸畜則失於虚拘君子不 者張氏之意以君子為待賢者之人益張說是以恭 發明隐然有主張說之意竊詳集註之意君子為賢 發明按朱子以两恭敬字作兩意說張氏於两 輯釋亦併引二說

金贞四周全章

米五

形色天性章 敬幣帛暗不可無若以君子為賢者則又嫌於賢者 以幣交二則曰以幣交之事可見集註此意正合夫 之交賢者必無無幣帛之理觀於季任儲子一則曰 不宜以幣帛為輕重故只得如此說耳沉當時諸侯 子禮云禮云玉帛云乎哉與孟子引書以答屋廬子 之意而虚拘二字張說似亦不如集註之順當更詳 集成陳潜室日孟子形色為性是引形

次世四年 4

四書管窺

セナ

金に日ろ 霄壤之分 氣入道理中來告子食色為性是逐道理出形氣外去 甘之悦之只是欲遠以此為性則人將認人欲為天 食男女之類此便是物欲之物我但甘之悦之而已 物有物必有則則便是天性食色是外誘之私如飲 理人心愈危而道心愈微矣要之告子所言便如孟 形色是吾身所有如貌言視聽之類此便是物則之 子以耳目口鼻四肢之欲為性者相似皆是氣熏之 111 通發明輯釋哈引之

法早不可抗高不可貶語不能顯黙不能藏 發明道 道則高矣美矣章章末集註此章言道有定體教有成 たでりをハナラ 本然之性乎告子但以此為性知有氣而不知有理 性但孟子曰性也有命馬君子不謂性則是斷制人 必將謂欲是吾性所有若必求得之而不知檢制則 心而不敢過之意況下文又自以仁義禮智天道言 (欲肆天理滅其害有不勝言者矣所以孟子力辯 四書管鎖 とナー

高不可貶申言道之有定體也雖語有不能顯者謂引 能顯黙不能藏而在乎學人之能者從之 有定體謂中道而立教有成法謂絕墨穀率卑不可抗 而不發雖點有不能藏者謂躍如 不可抗高不可貶是之謂中道而立教有成法故語不 **丑所言之失教有成法語不能顯默不能藏是明孟** 意者道有定體早不可抗高不可貶三句是正公孫 子繩墨教率不可改變之古與君子引而不發以下 通道有定體故界

藏益知道之有定體則知界之不可抗高之不可貶 其中只言語不能顯黙不能藏之意而果不可抗高 亦曰惟其果不可抗高不可貶故語不能顯默不能 四句之意輔氏當口惟其道有定體故教有成法愚 可及欲孟子自貶以示之是不知道體之有定果者 不可敗者自在其中何則益公孫母疑道之高美不 但孟子只言教有成法之意而道之有定體者自在 矣知教之有成法則知語之不能顯默之不能藏矣

次定四重全雪

四書管寫

+

扯射改絕墨變影率者正以教有成法不可得而改 率之譬是指教者之法以示之匠界所以不為拙工 變也教法之所以有成不可改變如此者豈非以道 所以不可抗敗者正以其體之有定也孟子絕墨較 意言此三句以正其所言之失早高便指道體而言 體之有定故數下文引不發中道立語不能顯之謂 不可抗而高高者不可貶而早也故集註以孟子之 躍如而能者從默不能藏之意也語點是指所施

とこう ラーハトー 成法也哉然則語默之所不能顯藏者何物也不過 為道有定體故述所見於此云通者雖庶幾馬但集 註云此章言則是此六句該盡此一章之旨也而通 云云耶竊當謂集註凡於包括章古處未有不順文 口斯道不可抗貶之定體耳愚因發明以中道而立 解義該貫無餘者而發明於此章及魚我所欲童旨 只以末後二句當之然則集註何以不曰比二句言 教而言觀其不能有所顯藏如此則教其可不有 四萬節題 *

盡心下 盡信書章流杆集註杆春杆也或作鹵楯也 首章不仁哉深惠王也 王以仁義終則言梁惠王之不仁孟子其有意哉 此章在盡心諸章之中而已通以為終言梁惠之不 軻書本七篇每篇分為上下自趙氏始耳若不分則 不得其古他編亦有如此者讀者考馬可也 抑孟子意乎 通謂七篇之書始則勉深惠 考證金

此小異孟子之意當云云云 四書通本無當字謂孟子 有人曰我善為陳章王曰無畏云云集註書泰誓文與 之意下諸本皆有當字剩宜去之 火にり事なき 氏按鹵乃温鹵之鹵謂血流地生鹵爾 果如所言則孟子何為不信之耶 當云益謂泰誓本文自如被若順孟子所引文意解 按孟子所引與泰誓本文小異故集註曰孟子之意 之則當如此爾通以為剩而宜去抑朱子意乎 四書管窺

為通 殺人親章 金岁巴尼人 謂殺人父兄之人是亦殺其父兄亦字如猶字於本文 古人於父兄之讎無不報復者觀於不共戴天不反 散新欲如此通之耶且如所說則於章首吾令然後 兄亦勢所必至者集註之言盡矣不知有何不通而 兵之禮可見況已殺人之父兄則人亦將殺已之父 知章末然則非自殺之也一間耳之言又如何通之 放證散翁曰詳此章文意似於两人字讀

耳是民為貴也 处巴口巨公言 而得天下者 氏及五代之君皆是也 民為貴章集註天子至尊貴也而得其心不過為諸侯 不仁而得國章 耶 得天下當以綱目有正統處為是曹魏五代要亦不 過得國之大者耳 發明得乎諸侯為大夫集註不及之者 輔氏謂不仁而得天下如曹操司馬 四書管窥 發明亦以秦隋五代為不仁); ;

以上句包之君總天子諸侯而言 稽大不理於口章憂心悄悄愠於羣小集註詩邶風栢 舟篇本言衛之仁人見怒於羣小孟子以為孔子之事 可以當之 天子至尊貴也且不重於民諸侯不假言矣 衆妾也此則本小序以為仁人見怒之詩宣集註乃 按今詩傅朱子以相舟為婦人不得於夫而作羣小 詩傳未定之説歎

之品節限制何謂理之氣是就理上說而氣却於其中 欠己可重 命是理之氣何謂氣之理是就氣上説而理在其中為 指理而言云云 字合理與氣而言云云後節命字專指氣而言性字專 性也有命命也有性章語録前節性字指氣質而言命 有清濁厚簿之不同 不若語録之易晓也但日命也之命是理之氣則與 不過因語録之意而少變其語句以為說要之反 1.4.5 考證有命馬之命是氣之理命也之 四書管窺 業說意亦循此 とすれ

曾哲嗜羊豪章 讀者多疑此章前只言羊棗而公孫丑仍以膾炙為 命字故曰理之氣只要與前節氣之理作對其實此 指氣無疑考證强欲牽帶下面性字之理上來說此 美於羊賽會哲宜亦嗜之是膾炙羊棗二者時為會 言不知膾炙與會哲有何相干益公孫丑以為膾炙 命字本無兼理之意只以語録為斷可也 語録之意微異要之此節性即是指理言則命字專 林氏曰云云然而已無有見而知之者矣則五百餘歲 此其曰見而知之間而知之者葢以同時言之則臣當 之士伊尹太公又湯文之師非必見其君而後知之湯 由堯舜至於湯章見知間知或問禹鼻之徒本皆名世 文孔子又生知之聖亦非必聞前聖之道而後得之也 以辭害意可也 以君為主以異世言之則後聖當以前聖為師學者不 哲所嗜今曾子乃食此而不食彼故疑而問也 然而無有乎爾則亦無有乎爾集註

. . .

D & ...

古五百餘歲而聖人出在當時必有見而知之者在後 世則有聞而知之者今去聖人之世未遠去聖人之居 之後又豈復有聞而知之者乎 遂無復有如是聞知者矣 又甚近而曾思軍又皆亡已無有如是見知者則亦恐 復有耳愚竊以為不然克舜湯文之時見而知者又 按考證之意是以魯思為見而知者但其已死則不 何當百年不死那正恐曾思之徒未可以當見知者 考證此章大意謂自

次足可事公馬 若必待親相授受而後有見而知者則五百餘載之 見知之列也孟子之意正不以親相授 受者為見知 徒正是見夫子而後知之者耳愚故謂其未可以當 而後知聞知者亦非必聞前聖之道而後得曾思之 後又何所授受而有聞知者乎禹鼻之於堯舜伊日 耳 盍以或問之意而推之乎 見知者既非必見其君 之於湯文雖則同世然非有資於君而知其道也不 偶然契合而知之耳若武王周公之聖而不與見 四書管題 ズナ

金グロスノー 者矣五百餘歲之後又安有偶然郭合如湯之於克 親相授受者宜亦不得為見而知之者也如此則夫 受之迹故耳然則曾思之於夫子事同一門實出於 知之列者亦以其與文王事同一家未免有親相授 舜夫子之於文王者乎孟子所謂然而無有乎爾則 子在時既無偶然契合如專禹伊日之於堯舜湯文 無見知者其意未當以曾思諸人為見知者考證母 亦無有乎爾者此也孟子與集註之意皆以為當時

大足り事とち 東海有聖人出馬此心同也此理同也西海北海南 海有聖人出馬此心同也此理同也此可以為同時 别有所指然孟子所謂見聞而知之者亦以其心同 同 同地者之一證矣又言千古之前有聖人出馬此心 之說益亦考證之見也知此則知道矣陸象山有言 乃不得經註之意乎先儒亦有以見知為易於聞 理同也此可為異世異地者之一證矣象山此言雖 也此理同也千古之後有聖人出馬此心同也此 四書管窺 それ

金少世是名言 理同而契合耳初非有賴於親相授受而後謂之見 而知也然則中庸序所謂見而知之者惟顏氏會氏 《傅者非數日朱子不過以顏會得夫子之 明子思繼道統之意耳初不與聞知者 妨又何泥乎